

verò priorem negligit culpam ad ulteriora, & graviora patranda prolabitur, ubi è contra, qui diligentius post culpam per pœnitentiam maculam deflet, ad ulteriores virtutes resurget; Magdalena Beatissimæ Virginis Christi Matri omnium virtutum Reginæ meruit, & in Terris, & in Cœlis consociari, quia ut cognovit, idest statim, ut cognovit postposita morsa, peccata præterita deflere cepit, ut legimus *Lucæ* 7., eatenus quoque David magister ad conversionem peccatorum effectus est, ut dicat *Psalmus* 50., docebo iniquos vias tuas, & impii ad te convertentur, quia nec correptionem, nec pœnitentiam neglexit, ut notat *Ambrosius in Apologia David* c. 2. ubi (*Monitus* inquit à *Natan* non neglexit, sed ne exigo quidem momento manere pœnas se delicti passus est conscientiam, maturitas itaque veniam profundam Regis fuisse pœnitentiam declaravit.

20 Eo magis pernicioſa est negligentia in deflendis peccatis, quo longior cum vita hominis protrahatur, qua propter *Augustinus* relatus in c. nullus expectet d. 9. dicit (Nullus experietur, quando iam non possit peccare, sed quoniam multa sunt, quæ impediunt, & laquentem retrahunt, periculissimum est, & interitui vicinum ad mortem protrahere pœnitentiae remedium, multos enim solet neglecta, & sevotina pœnitentia decipere; Tum quia ea negligentia studiosa est, quæ non meretur veniam, sed graviori pena puniendam dixit *Clemens III. in c. Quæsumum de pœnitentia*, & remiss.

21 Ubi Eucharistiae perceptio negligitur, ait *Soter Papa* relatus in c. in *Cœna Domini* de consecrat. d. 2. propriæ vitæ, & sustentationis alimentum negligitur, quæ ideo panti quotidiani à Christo Domino in *Oratione Domini* cœa appellata est, ut discamus, animæ cibum non negligere, qui corporis quotidie alimenta diligentius perquirimus, & sumimus sine mora; qua propter facris ministris, diligens administratio à *S. Clemente Papa* in *Epistola* 2. ad *Jacobum fratrem domini* attentius imponitur, etiam sub comminatione plagarum.

Neque sumentes sacram Synaxim, statim cibum corporalem sumere, sed per statutas horas expectare, monuit idem *Clemens* relatus in c. tribus gradibus de consecrat. d. 2.

22 Est, & alia negligentia culpabilis, satis in moralibus ab *Augusti* damnata, relato in c. de pœnitent. dist. 6., in eo sistens, quod pœnitens negligat querere confessarium scien-

tem ligare, & solvere, cavendum est enim, ne cum negligens circa se extiterit, & negligatur ab eo, qui cum misericorditer monet, & petit, ne ambo in foveam cadant, quam stultus evitare noluit, cui concordat *Magister sententiarum* in 4. dist. 17. relatus in c. Quem pœnitet dist. prima, ubi post medium hæc habet (Quare qui confiteri vult peccata, ut inventat gratiam, querat Sacerdotem scientem ligare, & solvere, ne cum negligens circa se extiterit, à Deo pariter negligatur, nam experientia docet, quod in rebus ad usum corporis, quæ sunt homines sanæ mentis, semper meliora, quæ quisque pro suo modulo poterit inventare, ad animæ verò salutem non medicum pœnitorem, sed quandoque potius ignarum, aut diminutæ prudentiæ, & consilii, ut facilius à gravioribus dissoluantur, sed utinam dissoluantur, quin potius tamquam minus dispositi, peccatum adhuc amantes, solutionis incapaces, novis, & fortioribus vinculis obligentur, vide ergo, & adverte quanta mala sequantur à negligentia, ad quod *Martinus Delius* disquisit. magis. q. 26. sec. 3. lib. 2. refert, revelatum, quod Vir nobilissimus diutius in Purgatoriis ignibus negligentia pœnas dederit, dum talentum à Deo receptum in hoc mundo eruditione, & labore non multiplicaverit.

23 Qui in Spiritualibus negligens est, dicitur sedere in tenebris, & in umbra versari, idèa *Lucæ* 12. dives, qui videns fructus agrorum uberes, horrea dilatare, dum cogitat, deinde quiescere in otio, spiritualia omnino negligens, audivit sibi pronuntiatum, Stulte bac nocte repetent à te animam tuam, & ea quæ parasti cuius erunt? Ubi pro nocte intelligas inscitiam, & cætitatem in rebus spiritualibus; Virgines fatuae de quibus *Mathei* 25. de nullo alio facinore eriminantur, quam de negligentia, quia non sumpserunt oleum cum lampadibus, idest negligenter parare sibi opera misericordiæ, in cuius negligentia pœnam damnationis sustinuerunt sententiam, videlicet (*Nescio vos*), & quod notabile est, Virgines fatuae monitæ à prudentibus, ut irent emere, & iverunt, revertentes non narratur in Evangelio, quod oleum emerint, an invenierint, ac secum attulerint, quia solita negligere, forsitan labori parcentes, enixius inquirere negligenterunt, quo præsignatur, quod morti proximus difficultus eos elicit actus virtutis, quos sanus neglexerat, ac propterea

Chri-

Christus subinfert conclusionem, vigilate ergo, quia ne scitis diem, neque horam.

24 Ad quæ verba observat *Barradius* in *Evangelio Mathei* c. 25., quod Virgines prudentes, antequam dormirent dormitione mortis diligentiores, & operosiores vigilaverant; Operarios verò diligentiores, & vigilantes cognoscit Deus, novit Dominus viam justorum, negligentes ignorat, idest reiicit (*Nescio vos*) *Hieronimus epist. ad Rusticum Monacum*, ut doceat, quomodo sine crimine vitam degat, negligentiam, & otium prohibet, rationem afferens, quia in desideriis est omnis otiosus; deinde refert Egyptiorum Monasteria hunc modum tenuisse, ut nullum absque operis labore susciperent, non tam propter victus necessitatem, quam propter animæ salutem.

25 De explicata parabola de Virginibus prudentibus, & fatuis, aliud querendum videtur, cum fatuæ fuerint negligentes, ac propterea rejectæ, adhuc dormitio, & somnus potius explicare videatur negligentiam, & tamen tam de prudentibus, quam de fatuis dicitur, quod dormitaverunt omnes, & dormierunt, non ergo videtur, quod negligentia fuerit in causa, cur sponsus fatuas non receperit ad Talamum gloriae, huic difficultati satisfactit *Barad. eod. c. 25. Mathei* post autorem operis imperfecti, & post *Abulensem*; Primo quod principale figuratum in parabola est olei deficiencia, quæ importat negligentiam in operibus claritatis; Secundo quod notanda sint illa duo verba dormitaverunt, & dormierunt, nempe dormitaverunt, correspondet prudentibus, dormierunt correspondet fatuis, & hoc importat discriben, quod dormitare significat somnum interruptum, ita ut quandoque vigilet, sive somnum breve sit, quod etiam de justis verificatur, de quibus dicitur septies in die cadit justus, qui etiam quandoque in fervore, & bonis operibus tepeſcit, & est remissor, ac negligens, at de fatuis verificatur dormierunt, quod importat somnum continuatum, & longum, hoc est negligentiam diuturniorem, quæ est causa damnationis.

26 Christus Dominus *Lucæ* 12. *Mathei* 13. vigilandum intonuit fidelium animis, quia ne sciunt diem, neque horam, ac propterea *Hyllarius* notat intentam solicitudinem suspensæ expectationis exagitat, per vigilantiam, diligentiam suadet, per somnum negligentiam eliminat, & *Marci* 14. Vigilate, & orate ne intretis in tentationem.

27 *Chriſt. homil. 9. in Epift. prima ad Thessal.*, assumpto exemplo funabulorum, omnem negligentiam, & pigritiam redarguit per hæc verba (componamus nos ipsos undique, & quemadmodum super funem extensum ambulantibus non licet, vel parum negligentes esse, nam parum illud magnum illis malum generat, mox enim subversi deciderent, ac perirent, ita neque nobis pigrecere licet, viam enim incedimus angustam, & utinque præcipitiis obnoxiam, pedumque simul duorum non capacem; vides qua nobis opus sit diligentia.

Ad hæc, qui aliis negligit misereri, nec sibi misericordiam expectet, dicente *Jacobo Apostolo in sua Epiftola Canonica c. 2.*, *Juditium enim sine misericordia illi, qui non fecit misericordiam*.

28 Obedite præpositis vestris ait *Paulus*, alias negligens, superiorum obtemperare mandatis, juditium sibi parat ultionis, unde *Clemens Pontifex* hujus nominis primus in *Epiftola 3. de officio Sacerdotis sub initio ait* (Vestrum est) idest Episcoporum (quia legatione domini fungimini, docere populos, eorum verò est vobis obedire, ut Deo, si autem vobis Episcopis non obedierint Presbiteri Diaconi, ac Subdiaconi, & reliqui Clerici, omnesque Principes, tam majoris ordinis, quam inferioris, non solum infames, sed & extorres à regno Dei, & confortio fidelium, ac à liminibus sanctæ Dei Ecclesiæ alieni erunt,) & idem *Clemens* in fine primæ Epiftolæ ad *Jacobum fratrem* domini ait (hæc ergo precepta nemocredit absque sui periculo negligere, vel dissimulare, quia in iudicio Dei ignis æterni tormenta sustinet, qui ecclesiastica decreta neglexerit).

29 Præ omnibus autem tenet illud *Hyermæ* c. 48. *Maledictus omnis*, qui opus Domini negligenter agit, & illud *Mathei* 22. ubi invitati ad nuptias, eo quia neglexerunt venire, permisum est, ut gravissimum crimen homicidi patrarent, dum contumelias affectos servos reges, ingratissimi occiderunt, in quorum pœnam Rex missis exercitibus suis, perdidit homicidas illos, & civitatem illorum succedit, tot crimina, tot pœnae, tanta rerum devastatio ex negligentia traxit exordium.

30 Quanta autem diligentia, & solertia necessaria fit Virginibus ad custodiendum præciosissimum Virginitatis thesaurum, explicavit *D. Gregor. homil. 11. in Evangelia scribens* (deprædari desiderat, qui thesaurum publicè portat in via) non est negligendus thesaurus, nec in

in publico exponendus, ita & Virginitas, custodiam autem docet D. Ambrosius in c. 1. L. c. Trepidare Virginum est, & ad omnes viri ingressus pavere, omnes viri affatus vereri, disce Virginem moribus, disce verecundia; Hinc quam imprudenter, quam culpabiliter agant, qui virginem statuunt in publico, choreis interesse concedunt, hoc enim est thesauri custodiā negligere, exponere deprædationi.

31 Virginitas describitur à Sanctis Patribus (incorruptionis perpetuae meditatio) quia si desit perpetuitas in custodia, in meditatione, in solertia, de facili labitur ad corruptionem, potissimum, quia non solum carnali complexu deperditur, sed & desiderio, & affectu, considerata Virginitate pro ut virtus est, deplorabat enim Joannes Damascenus profusis lacrimis tantam jacturam dicens (Mulierem non teigi, & tamen Virgo non sum.)

32 Meditare atrociores, quos passæ sunt, cruciatus Lucia, Cæcilia, Catherina, Agnes &c. quām diū, noctuque incessanter orationibus insudarent, tot Sanctissimæ Virgines, quam à Virorum colloquiis, aspectibus aborserent, ut Virginitatis tutarent aurum, virtutis servarent preciositatem, non enim sine ingenti labore pretiosiora tutantur, ubi undequaque inumeris artibus, insidiis, & deceptionibus circumeunt prædones, magna ergo diligentia custodienda est Virginitas, quæ semel amissa irrecuperabiliter inutilibus defletur ejulatibus.

33 Lodovicus Bloisius c. 6. monit. Spirit. refert, quod anima cuiusdam defuncti cuidam Dei amico, in flama ardoris immensi apparens, dixit, ea sola de causa, tam diris cruciatibus torqueri, quod circa dominici corporis percussionem fuisse negligentior, & refertur in Theatro vita humanae sub V. Eucharistia.

34 Nec omittenda est negligentia in repellendis motibus sensitivis de rebus veniereis, quæ transit in morosam delectationem, & mortale peccatum est, diciturque morosa ex mora non temporis, sed negligentia in ea repellenda, post sufficientem advertentiam, quia talis negligentia provenit ex delectatione, & complacencia, quam percipit, qui negligit motum cohibere, & contravenire, & tunc intervenit consensus permissivus saltem, & interpretativus, etiam si desit positivus, & formalis, verum quando homo patitur tales motus, & se habet mēre negative, idest neque consenserit, neque dissentit, an sit mortale, vel ve-

niale peccatum, dissentunt Doctores allegati à Diana p. 2. tract. 17. resol. 33. Vide artic. 25. huius primæ partis.

35 Quod autem negligentia sit grande malum, colligas ex eo, quod multoties, vel est effectus, vel poena majorum scelerum, ex quo enim quis plures, & magnas patravit culpas, Deus in poenam sinit in posterum bona negligere, & contemnere, atque sine ulla consideratione, immò cum contemptu universa mala patrare, Proverb. c. 8. Impius, cum in profundum venerit peccatorum, contemnit, & Proverb. c. 10. Quasi per risum fuitus operatur scelus.

36 Quod innuit etiam Regius psaltes, psal. 80. Non audivit populus meus vocem meam, & Israel non intendit mihi (ecce negligentia, quid sequitur) dimisi eos secundum desideria cordis eorum, ibunt in adiunctionibus suis, sic negligentia parit peccatum, peccatum parit negligentiam,

37 Accedit, quod negligentia pluries in sacris scripturis, cordis duritia appellatur, Exodi. c. 7. Induratum est cor Pharaonis, non vult dimittere populum meum. Psal. 74. Hodie si vocem Domini audieritis, nolit obdurare corda vestra, cui negligentia extrellum aliud malum sequitur, Ecclesiastic. c. 3. Cor durum male habebit in novissimo.

38 Diximus, quod otium, Pigritia, & Accidia sunt species negligentiarum, certum est autem ex eis multa progenari mala, maximè in moralibus, Otiositas enim mater nugarum, & noverca virtutum, describitur à D. Bernardo lib. 2. de considerat. ad finem, ex Polibio, quod sit fons, & origo seditionum omnium, nam multam malitiam docuit Otiositas Eccles. 33. vers 29., nam sicut aqua, quæ non decurrit, neque impulsu ventorum movetur, putrescit in foce, ita & Corpus Ocio tabescit, & animus concupiscentiis, & voluptatibus computrescit otando.

39 Ingressus est locum nuptiarum piger, & negligens homo quidam, qui nuptiale vestem brevi, & minimo labore assumendam induere neglexit omnino, Mathei 22. idèo ligatis manibus, & pedibus, Domini imperio, mittitur in tenebras exteriores, quæ pœna benè respondent negligentiarum delicto, dum manus, & pedes ex ignavia operi non applicuit, ut assumeret vestem nuptialem, oculos pariter non elevavit ad circumstantium aspectum, quorum obtutu propria redarguebatur pigritia.

40 Jonas dum otiantur, & obdormiscit in fun-

fundo navis, ventorum vi impellitur, unde fremit tempestas timore exitii perhorrescant nautæ, omnibus in summo discriminé positis, forte data, piger, & ignavus propheta in mare proicitur, & sepelitur in ventre Ceti; Petrus in monte Tabor videns Christi faciem tanto lumine splendescensem, nivei candoris vestimenta condecorata, exclamat, bonum est nos hic esse, petitiisque ibi manere, attamen de eo legimus Mathei 9., & Lucæ 9. nesciebat quid diceret, cur tanta notatur infacia, nisi quia otari exoptaret, ubi à Magistro præaptabatur ad labores, quam infaciæ notam inussit pariter Christus duobus filiis Zebedei Math. 20. dum sedere, quod est otari peterent, quando in evangelica prædicatione multum erat insudandum.

41 Cornelius à Lapide in Epistol. D. Pauli ad Hebreos c. 5. in Vers. (quoniam imbecilles facti estis ad audiendum) Notat, defectum Anglorum à veritate fidei Christi incepisse à negligentia officii, & disciplinæ hominis Christiani, nec respexerunt fortissimorum martirum exempla.

42 Quod plerique hominum negligunt est, Quod non curant dirigere omnes actiones suas in Deum, tamquam ultimum finem; certum enim est, quod Deus cuncta creavit per hominem, & hunc per se tamquam ultimum finem, qui idèo potest dici finis naturalis hominis, licet non naturaliter assequendum, sed supernaturaliter, ex quo Greg. Nazianz. orat. 35. ait, omnis natura rationis particeps Deum,

ARTICULUS XXI.

An, & quando negligentia sit purgabilis.

MAteria hujus articuli brocarda appellatur à Tusco littera M. concl. 377., & de ea militant omnia, quæ de purganda mora scripserunt D.D., nam negligentia, aut moram involuit, aut ab ea sequitur, tamquam à matre partus progenitus; unde sicut purgatio moræ dicitur favorabilis, & inventa ad sustinendos actus, & contractus, ac propterea sequatur regula, quod omnis interpretatio summaratur ad sustinendum contractum, ad allegata per Cephal. consil. 25. num. 43. lib. primo, Cocin. decis. 1088. num. 25.

ita pariter purgatio negligentiarum favorabilis dicenda est, & latiori modo, quo fieri potest admittenda, notando insuper, quod debitor, non dicitur purgare moram, & negligentiam per solam oblationem verbalem rei debitæ, sed requiritur oblatio realis, ut dixit Rota coram Cerro decis. 235. num. 13., limitationes tamen vide de debitore negligentem. Notando pariter, quod licet tex. in l. magnam C. de committenda, & contrahen. stipulat. dicat, quod debitor, qui promisit certo die, & loco solvere debita sub poena, absque ulla motione, si non solverit tempore à se constituto,